

ASOCIJACIJA IZVOĐAČA I SVIRAČA
UL. JOŠANIČKA BB, 71 320 VOGOŠĆA
UL. JAHORINSKA BROJ 26, 71 420 PALE
ID:4403733730007
PDV: 403733730007
BROJ ŽIRO RAČUNA KOD UNI CREDIT BANKA:
3387202254275832
TEL: +387 33 425 400; +387 57 316 557;
+387 62 345 062; +387 62 345 061;
E-MAIL: ais@aisbih.org
www.aisbih.org

ASOCIJACIJA IZVOĐAČA I SVIRAČA „AIS“
VOGOŠĆA Tel: 033-425-400
Broj: 332⁹ Datum: 16.4.2022.



ZAPISNIK SA 10. REDOVNE SJEDNICE IZBORNE SKUPŠTINE ASOCIJACIJE IZVOĐAČA I SVIRAČA

Deseta redovna sjednica izborne Skupštine Asocijacije izvođača i svirača „AIS“ održana je 10.04.2022. godine u prostorijama Hotela Bosna u Banjoj Luci, ulica Kralja Petra I Karadorđevića broj 97., Banja Luka, s početkom u 14 sati.

Skupštini je prisustvovalo 239 redovnih članova, što čini 28 % ukupnog članstva. Imajući u vidu da je Statutom predviđeno da kvorum čini 10 % redovnih članova, konstatovano je da postoji potreban kvorum.

Konstatovano je da je dostavljeno i 50 valjanih punomoći u skladu sa Poslovníkom o radu Skupštine.

Lista redovnih članova Skupštine registriranih za pravovaljano odlučivanje (10% redovnih članova Skupštine) u skladu sa Statutom, nalazi se u prilogu ovog Zapisnika.

Tok Skupštine:

Desetom sjednicom Skupštine AIS-a je predsjedavalo je Radno predsjedništvo u sastavu **zamjenika predsjednika Skupštine Asocijacije izvođača i svirača „AIS“ Damir Bečić, predsjednik AIS-a Almir Ajanović i član UO AIS-a Miroslav Janjanin**, koji su na samom početku iskazali zadovoljstvo zbog velikog dolaska velikog broja članova i direktnog uključenja u rad kolektivne organizacije „AIS“.

Član Radnog predsjedništva Miroslav Janjanin pozdravio je sve prisutne članove AIS-a, predstavnike Instituta za intelektualno vlasništvo BiH, kao jedan od domaćina članova UO AIS-a. Zahvalio se na dolazak u daleki grad, kao što je rekao jedan od članova Upravnog odbora AIS-a Aldin Kurić, gdje ne bi trebala da se održava Skupština AIS-a jer se on kao Bošnjak ne osjeća bezbjedno. Istakao je da se za razliku od njega osjeća bezbjednim i u Sarajevu, Zenici, Tuzli, Mostaru, Širokom, Doboju, Bijeljini. Poželio je još jednom dobrodošlicu u Banja Luku i da se svi osjećaju prijatno i poželio da ova Skupština prođe kako dolikuje, mirno dostojanstveno i po pravilima.

Predsjedavajući Radnog predsjedništva Damir Bečić, zahvalio se **članu Radnog predsjedništva Miroslavu Janjaninu**, te konstatovao da Skupštini prisustvuje 239 redovnih članova Udruženja i da je dostavljeno 50 punomoći od ukupnog broja 840 redovnih članova Skupštine, da su ispunjeni uslovi za kvorum Skupštine, odnosno 10% redovnih članova Skupštine u skladu sa Statutom i Poslovníkom o radu Skupštine broj: SK P15-05/21 i da sjednica može početi sa radom.

Za riječ se javio **član UO AIS-a Aldin Kurić** i dodao da se nikad nijedna Skupština na svijetu nije otvorila s etiketiranjem i stavljanjem mete na čelo čovjeku. Dodao je da ima dovoljno obraza i karaktera da stane pred

prisutne, te da je problem jedini što će pročitati krivičnu prijavu i da ako je potrebno dostavit će sve svima na mail, a da će pročitati službeni dokument koji je dostavio Agenciji za borbu protiv korupcije BiH, Tužilaštvu BiH, Transparency Internationalu. Dodao je da čim je otkrio nepravilnosti da je iste prijavio institucijama. Kazao je da kad pritisneš ljude, oni bježe pod kišobran nacije, da 10 % prisutnih članova ustanovljava kvorum, da Skupština tumači Statut, a da punomoći ne ulaze u kvorum i da se na osnovu punomoći može samo glasati. Dodao je da će poslije objasniti koliko para je izgubljeno i uzeto iz džepova članova.

Predsjedavajući Radnog predsjedništva Damir Bečić zahvalio se članu UO AIS-a Aldinu Kuriću na izlaganju, te je još jednom konstatovao da postoji kvorum za pravovaljano odlučivanje odnosno 10% (83) od ukupnog broja članova (840). Dodao je da je prisutno 239 redovnih članova, te da je 50 članova dostavilo validne, ovjerene punomoći.

Za riječ se javio član Radnog predsjedništva Almir Ajanović koji je zamolio sve članove da budu parlamentarni, te da ukoliko žele bilo šta da komentarišu, da se prijave za učestvovanje u raspravi.

Predsjedavajući Radnog predsjedništva Damir Bečić, zamolio je da pristupe izjašnjavanju o dnevnom redu, te dodao da je isti dostavljen u više navrata svim članovima AIS-a, putem maila u sklopu materijala, te da isti je podjeljen svim prisutnima u sali.

Članovi AIS-a iz publike su dodali da imaju izmjenu dnevnog reda, te pitaju za šta glasaju.

Član Radnog predsjedništva Almir Ajanović ponovio je odgovor zamjenika predsjednika Skupštine Damira Bečića, a to je dnevni red s kojima su svi upoznati.

Član UO AIS-a Aldin Kurić izašao je za govornicu i rekao da ima pravo na prijedlog izmjene dnevnog reda, gdje će se pričati prvenstveno o kriminalu.

Za riječ se javio član AIS-a Zejd Šoto, koji je kazao da mu se ne sviđa što se stvorila atmosfera sukoba koja ne priliči, mi smo odrasli ljudi. Dodao je da kada su punomoći u pitanju, imale bi smisla kada bi falio kvorum i pitao zašto bi neko bio vrijedniji duplo jer je od nekog dobio punomoć. Zamolio je prisutne da poštuju sebe da donesu odluke, jer ne trebaju punomoći i pozvao da se ne prave sukobi na ličnom osnovu niti da iko ikoga ovdje proziva i predložio da se na ovoj Skupštini glasa bez punomoći.

Predsjedavajući Radnog predsjedništva Damir Bečić zahvalio se članu AIS-a Zejdu Šoti na izlaganju, te dodao da ovdje niko nije duplo bitniji ni od koga, te da su članovi AIS-a svi ravnopravni. Punomoć je validna i ovjerena, te da se svaka može provjeriti. Istakao je da mu je izuzetno drago što nakon 8 godina vidi neka lica koja nije imao priliku da vidi na prethodnim Skupštinama, rekao je da kvorum postoji i da izborna Skupština nastavlja s radom, što je pozdravljeno aplauzom.

Član AIS-a Azur Jahić zamolio je da se ponovi informacija koliko je prisutnih članova a koji je broj punomoći.

Predsjedavajući Radnog predsjedništva Damir Bečić zamolio je uposlenike Stručne službe da još jednom prebroje prisutne redovne članove i broj punomoći.

U međuvremenu, za riječ se javio član UO AIS-a Aldin Kurić koji je rekao da je mislio da je sve uredu do prije 3-4 mjeseca kada je otkrio frapantne stvari i da je sve dokumentovano, ali da to nije tema. Tema su punomoći, te da je bio kod zamjenice Ministra pravde, Slavke, te je rečeno da takva Skupština neće proći, da je džaba

zasjedanje, jer ako se da punomoć nekome, nije dato pravo da razmišlja za nekog. Dodao je da punomoć nije validna ni za kvorum, čak ni za glasanje.

Predsjedavajući Radnog predsjedništva Damir Bečić kazao je da su dostavljene punomoći validne i ovjerene.

Član UO AIS-a Aldin Kurić je rekao da ima punomoć za **člana AIS-a Željka Bebeka** i kazao da se javlja kao Željko Bebek da diskutuje u njegovo ime.

Član Radnog predsjedništva Miroslav Janjanin se izvinio članovima Skupštine, što je primoran da ponovo uzima riječ. Ono što je rekao na početku Skupštine, kazao je da je to rekao lično **član UO AIS-a Aldin Kurić** na sjednici Upravnog odbora kada je bilo riječi o mjestu održavanja izborne Skupštine i to je njega jako povrijedilo, te je tada rekao da će to izreći članovima Skupštine. Dodao je da mu je to neshvatljivo. Za svih tih 8 godina, za te tzv. pronevjere je glasao, zajedno s Aldinom, pa je onda Aldin rekao da su mu se zadnja 3 mjeseca otvorile oči i da je odjednom nešto uvidio. Kazao je da on lično ne zna za te probleme i da su svi za sve što se spominje, glasali mahom jednoglasno. Dodao je da je upravo Aldin Kurić tražio da budu punomoći na Skupštini. Kazao je da ako je nešto neregularno, treba podići tužbu. Hajdemo da budemo ljudi.

Predsjedavajući Radnog predsjedništva Damir Bečić je dobio informacije od uposlenica Stručne službe, nakon ponovnog brojanja spiska prisutnih i konstatovano je da ima tačno dostavljenih 50 ovjerenih punomoći i da je prisutno 239 redovnih članova.

Postavio je pitanje svim članovima Skupštine da li žele da uvažavaju punomoći, ovjerene u Općini ili kod notara, koje su ljudi dali članovima Skupštine AIS-a ili su samo za fizičko glasanje.

Za riječ se javio **član AIS-a Davor Sučić** koji je rekao da je jako bitno da Odluke koje donese ova Skupština budu upisane. Kazao je da kao iskusni veteran ovih Skupština, zna da Skupština završava daljim lobiranjem kod Ministarstva i Instituta. Dodao je da u Statutu piše 10 % prisutnih članova i kazao, da se on pita, da bi on to ostavio, jer prisutnih ima dovoljno i da postoji široka, demokratska platforma da se bilo šta odluči. Predložio je da za kvorum se računaju fizički prisutna lica, a da za glasanje važe punomoći, jer s tim ne postoji problem i to niko neće osporiti.

Predsjedavajući Radnog predsjedništva Damir Bečić zahvalio se **članu AIS-a Davoru Sučiću**, te je ponovo konstatovao da je prisutno 239 redovnih članova AIS-a, te da prema Statutu i internim aktima AIS-a postoji kvorum za punopravno odlučivanje.

Tada se pristupilo glasanju da li da prisutni redovni članovi glasaju bez punomoći izuzev tački o imenovanju i razrješenju organa upravljanja.

Zaključak:

1. Prijedlog za glasanje prisutnih redovnih članova bez punomoći izuzev tački o imenovanju i razrješenju organa upravljanja

Za: 236

Protiv: 2

Suzdržanih: 1

Skupština je usvojila prijedlog da glasaju prisutni redovni članovi bez uzimanja u obzir punomoći, izuzev tački o imenovanju i razrješenju organa upravljanja.

AD 1:

Predsjedavajući Radnog predsjedništva Damir Bečić otvorio je 1.tačku dnevnog reda, te zamolio prisutne da pristupe izjašnjavanju o predloženom dnevnom redu koji je svima dostavljen putem maila u propisanom roku Statutom, objavljen na zvaničnoj web stranici AIS-a, te je podjeljen prisutnim članovima Skupštine i to:

1. Usvajanje dnevnog reda, imenovanje verifikacione komisije, zapisničara i ovjerivača;
2. Usvajanje zapisnika sa prethodne sjednice Skupštine;
3. Odluka o razrješenju članova organa:
 - Predsjedništvo Skupštine AIS-a;
 - Nadzornog odbora AIS-a;
 - Upravnog odbora AIS-a
4. Odluka o imenovanju članova organa:
 - Predsjedništvo Skupštine AIS-a;
 - Nadzornog odbora AIS-a;
 - Upravnog odbora AIS-a
5. Razmatranje i usvajanje Odluke o raspodjeli naknada za prava izvođača muzičkih djela za 2021.godinu;
6. Razmatranje i usvajanje Godišnjeg plana raspodjele ubranih naknada za 2021. godinu;
7. Razno;

1.Dnevni red

Za: 158

Protiv: 61

Suzdržanih:8

Nije se izjašnjavalo:12

Skupština je usvojila predloženi Dnevni red.

Predsjedavajući Radnog predsjedništva Damir Bečić zamolio je da ukoliko neko ima pitanje, a da se ne tiče tekuće tačke dnevnog reda, da to iznese pod tačkom razno, kako bi Skupština bila ekspeditivnija i organizovanija.

Nakon usvajanja dnevnog reda, **Predsjedavajući Radnog predsjedništva Damir Bečić** predložio je da se za zapisničara imenuje Mersiha Babić, zaposlena u AIS-u, a za članove verifikacione komisije, Senad Bostandžić, član AIS-a, Fahrudin Salihović, član AIS-a, Svjetlana Guja zaposlenica u AIS-u.

Za ovjerivače predložio je Obrada Višnjica člana AIS-a i Editu Fazlić, zaposlenicu AIS-a.

Otvorio je diskusiju po ovoj tački dnevnog reda.

Za riječ se javio **Aldin Kurić** član AIS-a, te pitao kako, šta konkretno verifikuje komisija i po kojim kriterijima.

Za riječ se javio član AIS-a **Mehmed Bajraktarević** koji je rekao da bi kao član **Upravnog odbora AIS-a** to trebao znati.

Za člana verifikacione komisije prijavili su se članovi AIS-a **Aldin Kurić** i **Davor Sučić**.

Član AIS-a Davor Sučić postavio je pitanje da li je to komisija koja bira kandidate, te mu je od strane Radnog predsjedništva pojašnjeno da je u pitanju komisija koja broji glasove.

Članovi AIS-a Aldin Kurić i Davor Sučić povukli su svoj prijedlog da budu članovi verifikacione komisije.

Zamjenik predsjedništva Skupštine Damir Bečić zatvorio je diskusiju, te zamolio da pristupe izjašnjavanju.

Zaključak:

2. Imenovanje zapisničara, članove verifikacione komisije i ovjerivače;

1. Za: 214

2. Protiv: 2

3. Suzdržanih: 23

Prijedlog zapisničara, članova verifikacione komisije i ovjerivača usvojen je većinom glasova prisutnih redovnih članova Skupštine.

AD2:

Zamjenik predsjednika Skupštine AIS-a Damir Bečić u nastavku sjednice Skupštine, najavio je 2. tačku dnevnog reda, koja se odnosi na usvajanje Zapisnika sa prethodne 9. redovne Skupštine AIS-a.

Ponovo je podsjetio sve članove AIS-a da su svi materijali za 10. sjednicu izborne Skupštine proslijeđeni cjelokupnom članstvu AIS-a putem emaila, i objavljeni na zvaničnoj web stranici AIS-a. Također je dodao da su materijali u printanoj verziji bili dostupni u sjedištu AIS-a u roku propisanim Pozivom i obavještenjem članovima AIS-a, te da su podjeljeni svim prisutnima u sali.

Zamjenik predsjednika Skupštine AIS-a Damir Bečić otvorio je diskusiju po 2. tački dnevnog reda. Kako nije bilo prijavljenih za diskusiju, zamolio je prisutne da pristupe glasanju.

Zaključak:

1. Zapisnik sa prethodne 9. redovne sjednice Skupštine od 10.11.2021. godine

Za: 160

Protiv: 4

Suzdržanih: 29

Nisu se izjasnili: 46

Zapisnik sa prethodne 8. redovne sjednice Skupštine usvojen je većinom glasova prisutnih redovnih članova Skupštine AIS-a.

AD3:

Predsjedavajući Radnog predsjedništva Damir Bečić informisao je prisutne članove AIS-a da je na redu 3. tačka dnevnog reda koja glasi: Odluka o razrješenju članova organa: Predsjedništvo Skupštine AIS-a, Nadzornog odbora AIS-a, Upravnog odbora AIS-a. Obavjestio je da se o ovoj i narednoj tački dnevnog reda, može glasati uz punomoći, u skladu sa zaključkom Skupštine.

Članovi AIS-a iz publike, postavili su pitanje do kada traju mandati, te je pojašnjeno da isti traju do 18.04.2022. godine, te je Skupština sazvana prije dolazećih vjerskih praznika, Uskrsa i Vaskrsa, iz poštovanja prema članovima katoličke i pravoslavne vjeroispovjesti.

Zatvorena je diskusija, te su članovi pristupili glasanju:

1.Zaključak: Odluka o razrješenju dužnosti članova Predsjedništva Skupštine AIS-a;

Za: 288

Protiv:0

Suzdržanih:1

1.Prisutni članovi Skupštine usvojili su Odluku o razrješenju dužnosti članova Predsjedništva Skupštine AIS-a.

2.Zaključak: Odluka o razrješenju dužnosti članova Nadzornog odbora AIS-a;

Za: 288

Protiv:0

Suzdržanih:1

1.Prisutni članovi Skupštine usvojili su Odluku o razrješenju dužnosti članova Nadzornog odbora AIS-a.

3.Zaključak: Odluka o razrješenju dužnosti članova Upravnog odbora AIS-a;

Za: 288

Protiv:0

Suzdržanih:1

1.Prisutni članovi Skupštine usvojili su Odluku o razrješenju dužnosti članova Upravnog odbora AIS-a.

AD 4:

U nastavku 10. sjednice izborne Skupštine AIS-a, **Predsjedavajući Radnog predsjedništva Damir Bečić** najavio 4. tačku dnevnog reda koja glasi Odluka o imenovanju članova organa: Predsjedništvo Skupštine AIS-a, Nadzornog odbora AIS-a, Upravnog odbora AIS-a.

Zamolio je članove Komisije za utvrđivanje ispravnosti dokumentacije dostavljene po Pozivima za isticanje kandidature za izbor u članstvo Predsjedništva Skupštine, Upravnog odbora i Nadzornog odbora da se obrate članovima Skupštine i to Dragana Nikačevića, Enesa Begovića, Jovana Šarca.

Dragan Nikačević, predsjednik Komisije se obratio članovima Skupštine i rekao da je Komisija zasjedala i da je utvrđeno da su svi materijali (prijave za kandidature) bili uredni, te da nisu bili otvarani i oštećeni. Zamolio je zapisničara da pročita Zapisnik Komisije, što je i učinjeno.

Skupština je informisana da je konstatovano da se na Poziv za isticanje kandidature za izbor u članstvo Predsjedništva Skupštine AIS-a odazvala 3 aplikanta, te je ustanovljeno da sve prijave sadrže urednu dokumentaciju propisanu Statutom AIS-a i Pozivom.

Formirana je konačna lista kandidata (abecednim redom)

1. Hajrudin Varešanović
2. Miroslav Janjanin
3. Mehmed Bajraktarević

Konstatovano je da se na Poziv za isticanje kandidature za izbor u članstvo Upravnog odbora AIS-a odazvala 10 aplikanta, te je ustanovljeno da 7 prijava sadrže urednu dokumentaciju propisanu Statutom AIS-a i Pozivom i to (abecednim redom):

1. Almir Ajanović
2. Aldin Kurić
3. Dalal Midhat Talakić
4. Damir Bečić
5. Miroslav Bartulica
6. Miroslav Janjanin
7. Slaviša Guja

Komisija je za 3 prijave konstatovala da ne sadrže dokaz o iskustvu od najmanje tri godine u domenu kolektivnog ostvarivanja autorskog i srodnih prava i oblasti muzičke industrije i to (abecednim redom):

8. Darko Knežević
9. Dino Šukalo
10. Đani Pervan

Konstatovano je da se na Poziv za isticanje kandidature za izbor u članstvo Nadzornog odbora AIS-a odazvalo 6 aplikanta, te je ustanovljeno da sve prijave sadrže urednu dokumentaciju propisanu Statutom AIS-a i Pozivom.

Formirana je konačna lista kandidata za člana Nadzornog odbora (abecednim redom):

1. Azur Jahić
2. Dalal Midhat Talakić
3. Muamer Dozo
4. Mugdim Avdić

i vanjskog člana Nadzornog odbora (abecednim redom):

5. Adel Avdagić
6. Nedim Srnja

Za riječ se javio **član AIS-a Miroslav Dobrijević** koji je rekao da mu se ne sviđa nimalo ton kako je sve počelo. Nije čovjek od paragrafa i smatra da većina nije, te misli da se krše svi demokratski principi. Dodao je da zbog toga ne želi više da učestvuje u daljem radu Skupštine i pozvao je sve članove koji misle svojom glavom da napuste Skupštinu zajedno s njim.

Član AIS-a Miroslav Dobrijević je napustio Skupštinu AIS-a, te je broj prisutnih bio 238 redovnih članova i 50 punomoći.

Za riječ se javio **član AIS-a Davor Sučić** koji je rekao da ima loša iskustva s Ministarstvom i institucijama, te je dodao da što se tiče kandidacijskog postupka ima propusta i problema. Svi članovi Skupštine imaju pravo da biraju i budu birani, a kriteriji su da su građani BiH i da nisu osuđivani i to je zakonsko pravo svakog člana. Prednosti i mane ko ima iskustva, ko ima koliko koncerata, djela itd, to je na Skupštini da odluči od kandidata koji su prijavljeni. Kriteriji da nisi 3 godine bio u upravnom tijelu nečega što postoji 6 godina, znači da se vrte isti ljudi. Jedini ljudi koji u AMUS-u imaju 3 godine je nas 7, te je dodao da se nije ni kandidovao za organe AIS-a. Kazao je da je ovaj član prepisan iz organizacije Vijeća za autorsko pravo, odnosno da ima 3 godine iskustva u upravljanju kolektivnih organizacija i svim stručnim tijelima. Dodao je da to ne može biti kriterij jer je to jako diskriminatorno.

Član radnog predsjedništva Almir Ajanović javio se za riječ i rekao da se u potpunosti slaže s svim što je rekao **Davor Sučić**. Ponovo je rekao da se slaže s svim izrečenim, te je ponovio da se nikako neće praviti diskriminacija, te je dao prijedlog svim članovima Skupštine da se za sve prijavljene kandidate glasa.

Za riječ se ponovo javio **član AIS-a Davor Sučić** te je rekao da se mora držati procedure, te da je sve potrebno ispoštovati. Bitno je da Komisija prihvati sve kandidate, jer ako ih ne prihvati oni će biti zvanično odbijeni.

Član radnog predsjedništva Almir Ajanović je ponovio da prema Zapisniku, niko nije odbijen niti smije biti diskriminacije.

Član AIS-a Davor Sučić je dodao da Skupština treba da daje mandat Komisiji koja će rekapitulirati svoju Odluku, obzirom da Skupština odlučuje da li će ti kandidati biti kandidati ili neće.

Član radnog predsjedništva Almir Ajanović zahvalio se članu AIS-a Davoru Sučiću na konstruktivnim prijedlozima.

Za riječ se javio **član AIS-a Igor Vukojević** te je rekao da se u kontinuitetu dešava jedna stvar a to je da se branša dijeli na ljude koji su iz branše i biračko tijelo. Dodao je da je to jako ružna stvar za strukovna udruženja i da svako od prisutnih zna ko pripada branši a ko pripada biračkom tijelu. Što se tiče izbora članova upravljačkih struktura, stoji u Statutu ko može aplicirati za članstvo u upravljačkim odborima, mi taj krug ljudi sužavamo na 15 ljudi u cijeloj zemlji. Da bi to bilo kako treba, ta teza se mora promjeniti i potrebno je da Komisija prihvati aplikacije članova koji imaju reference a koji su značajni u izvođačkom smislu. Kazao je da se na današnjoj Skupštini ne mogu verifikovati liste, jer nemaju Statut koji to dozvoljava. To što stoji u Statutu može stajati samo kao preporuka za rangiranje, da govore strane jezike itd, ali ne može da stoji to kao eliminišuća teza 3 godine iskustva.

Član radnog predsjedništva Almir Ajanović je pojasnio da je napisano iskustvo u muzičkoj industriji.

Član AIS-a Igor Vukojević je pitao da li svaki šef benda može da se prijavi, te mu je **član radnog predsjedništva Almir Ajanović** dao potvrđan odgovor, te je opet pitao po kom osnovu nisu prihvaćene 3 kandidature.

Član radnog predsjedništva Almir Ajanović je ponovo ponovio da su prihvaćene kandidature, te da je Komisija samo konstatovala ali da nijedna kandidatura nije odbačena.

Predsjedavajući Radnog predsjedništva Damir Bečić je ponovo ponovio da su sve kandidature prihvaćene.

Član AIS-a Igor Vukojević je dodao da je ovo prva Skupština AIS-a na kojoj učestvuje želeći da pomogne i da glasa za ljude za koje misli da će pomoći našoj branši. Dodao je da mu je potpuno nelogično da ne može da glasa za Dinu Šukala, Đanija Pervana.

Ponovo su zamolili da se pročita Zapisnik Komisije, bez prekidanja od strane članova Skupštine.

Pročitan je ponovo Zapisnik Komisije, te je potvrđeno da Komisija nije niti jednog kandidata eliminisala.

Za riječ se javio **član AIS-a Igor Vukojević** je rekao da se nisu prijavili ljudi koji su mislili da se ta teza ne može ispoštovati. Možda bi bilo 14 kandidata za UO, 26 za NO I 7 za SK, ali se slaže s svim što se odluči.

Član AIS-a Azur Jahić rekao je da smatra da postoji problematika da se sad ne mogu prihvatiti te stvari, jer tako stoji u Statutu i rekao je da postoji kvorum od 20% i da se Statut može odmah promijeniti.

Za riječ se javila **direktorica Stručne službe Jasmina Misirlić** koja je rekla da nema potrebe za izmjene Statuta koje predlaže član AIS-a Azur Jahić. Dodala je da je dobijeno mišljenje pravne ekspertice Ize Razije Mešević koja je radila na izradi Zakona o autorskom i srodnim pravima BiH i Zakona o kolektivnom ostvarivanju autorskog i srodnih prava BiH. Mišljenje ekspertice je da ovaj kriterij ne kaže da treba iskustvo u upravljačkim strukturama već iskustvo u oblasti autorskog i srodnih prava ili u muzičkoj industriji. Svi članovi Skupštine, samim svojim prisustvom na Skupštinama na kojim ste do sada bili imate iskustvo u oblasti autorskog i srodnih prava. Pojasnila je da izvodački koji imaju svoje muzičke studije, koji su bili muzički urednici i slično, također ispunjavaju pomenuti kriterij. Dodala je da svi kandidati posjeduju dokaz da su redovni članovi AIS-a i da su učestvovali u radu Skupštine.

Član UO AIS-a Aldin Kurić kaže da UO AIS-a ima 5 članova, a da se biraju 4 člana. Detaljnije kriterije utvrđuje Skupština posebnim aktom da se zadovolji nacionalna i spolna zastupljenost, te da je to ono što je govorio da ne mogu dvije izborne Skupštine biti održane u Banjoj Luci, te istakao da je tražio samo balans da su svi sretni i zadovoljni. Kazao je da se 1 član imenuje iz reda osnivača udruženja, te da Almir Ajanović mora biti u udruženju.

Zamjenik predsjednika Skupštine pozvao je članove Komisije da se obrate Skupštini.

Predsjednik Komisije, pravnik Dragan Nikačević i član Komisije, Jovan Šarac obratili su se Skupštini te ponovili da su samo konstatovali da nedostaje samo dokaz o iskustvu od 3 godine, ali nije zabranjeno da se glasa za pomenute kandidate jer se na osnovu dostavljenih biografija zaključilo da pomenuti kandidati imaju iskustvo u domenu muzičke industrije.

Član AIS-a Davor Sučić dodao je da ako se izglasaju pomenuti članovi, postojat će problem jer ne zadovoljavaju kriterije i da je potrebno da se promjeni član Statuta.

Član Komisije, doktor pravnih nauka Jovan Šarac obratio se Skupštini AIS-a i rekao da je pregledana sva dokumentacija koja je dostavljena od strane kandidata i prema Pozivima i kriterijima Statuta je konstatovalo da nije dostavljen jedan od dokumenata, ali da se na osnovu biografije vidi da je ispunjen i ovaj kriterij, te pojasnio da Skupština može da odluči kako god želi.

Član AIS-a Azur Jahić je rekao da se on lično nije prijavio za UO jer je mislio da ne ispunjava kriterije, jer piše 3 godine iskustva u kolektivnom ostvarivanju.

Član AIS-a Davor Sučić predložio je pauzu od 15 minuta. Dodao je da ima puno ljudi koji se nisu prijavili zbog pomenutog kriterija, te bi bilo dobro da se da 15 minuta ljudima koji su odustali od kandidature, možda ih nema puno, te da su uslovi državljanstvo BiH i uvjerenje o nekažnjavanju koje se može dostaviti naknadno. Kazao je da će Ministarstvo oboriti Skupštinu za puno manje stvari s čim se on lično i susreo zbog skype sjednice. Gospodina

Vukojevića su morali iz Minhena dovesti u Sarajevo da kaže 11.05 i zbog toga su izgubili prošlu Skupštinu i zbog toga uprava AMUS-a nije bila upisana nekoliko godina. Rekao je da je 10 godina u AMUS-u a da je upisan 3 godine, zbog procedura i može se lako desiti i AIS-u ista stvar. Zamolio je članove Skupštine da razmisle o ovome i da ne žure, jer je ovo jako bitna Skupština.

Član radnog predsjedništva Almir Ajanović rekao je da nema potrebe za gubljenje vremena i da je ispoštovana procedura. Postoje kandidati koji su se prijavili po Pozivu i za sve njih se može glasati bez diskriminacije, te je zamolio članove Skupštine da se nastavi sjednica.

Kako nije bilo prijavljenih za dalju diskusiju, Predsjedavajući Radnog predsjedništva Damir Bečić pročitao je spisak kandidata za članove Predsjedništva Skupštine, po abecednom redu i to: Hajrudin Varešanović, Miroslav Janjanin, Mehmed Bajraktarević, te je zamolio prisutne članove da pristupe glasanju i izjašnjavanju, glasanjem ZA predložene kandidate.

Pristupilo se javnom glasanju.

Članovi verifikacione komisije su pristupili prebrojavanju glasova, te je zaključeno sljedeće:

1. Hajrudin Varešanović
ZA:63

2. Miroslav Janjanin
ZA:166

3. Mehmed Bajraktarević
ZA:150

Konstatovano je da su novi članovi Predsjedništva Skupštine Miroslav Janjanin i Mehmed Bajraktarević.

1. Zaključak: Odluka o imenovanju članova Predsjedništva Skupštine;

1. Prisutni članovi Skupštine usvojili su Odluku o imenovanju članova Predsjedništva Skupštine.

Član radnog predsjedništva i novo izabrani predsjednik Skupštine Miroslav Janjanin pročitao je spisak kandidata za članove Upravnog odbora AIS-a, po abecednom redu i to: Almir Ajanović, Aldin Kurić, Dalal Midhat Talakić, Damir Bečić, Miroslav Bartulica, Miroslav Janjanin, Slaviša Guja, Darko Knežević, Dino Šukalo, Đani Pervan, te je zamolio prisutne članove da pristupe glasanju i izjašnjavanju, glasanjem ZA predložene kandidate.

Miroslav Janjanin je povukao svoju kandidaturu za člana Upravnog odbora AIS-a.

Predsjedavajući Radnog predsjedništva Damir Bečić zamolio je članove Skupštine da se izjasne glasanjem ZA, za predložene kandidate.

Pristupljeno je javnom glasanju.

Članovi verifikacione komisije su pristupili prebrojavanju glasova, te je zaključeno sljedeće:

1. Almir Ajanović
ZA:168

2. Aldin Kurić
ZA:60

3. Dalal Midhat Talakić
ZA:157

4. Damir Bečić
ZA:164

5. Miroslav Bartulica
ZA: 160

6. Slaviša Guja
ZA:156

7. Darko Knežević:
ZA:67

8. Dino Šukalo
ZA:81

9. Đani Pervan
ZA:88

Konstatovano je da su novi članovi Upravnog odbora AIS-a Almir Ajanović, Dalal Midhat Talakić, Damir Bečić, Miroslav Bartulica i Slaviša Guja.

2. Zaključak: Odluka o imenovanju članova Upravnog odbora AIS-a.

1. Prisutni članovi Skupštine usvojili su Odluku o imenovanju članova Upravnog odbora AIS-a

Član radnog predsjedništva i novo izabrani predsjednik Skupštine Miroslav Janjanin pročitao je spisak kandidata za članove Nadzornog odbora AIS-a, po abecednom redu i to: Azur Jahić, Dalal Midhat Talakić, Muamer Đozo, Mugdim Avdić I za vanjskog člana Adil Avdagić, Nedim Srnja, te je zamolio prisutne članove da pristupe glasanju i izjašnjavanju, glasanjem ZA predložene kandidate.

Dalal Midhat Talakić je povukla svoju kandidaturu za člana Nadzornog odbora AIS-a.

Član radnog predsjedništva i novo izabrani predsjednik Skupštine Miroslav Janjanin zamolio je članove Skupštine da se izjasne glasanjem ZA, za predložene kandidate.

Pristupljeno je javnom glasanju.

Članovi verifikacione komisije su pristupili prebrojavanju glasova, te je zaključeno sljedeće:

1. Azur Jahić
ZA:74

2. Muamer Dozo
ZA:76

3. Mugdim Avdić
ZA:150

4. Adel Avdagić
ZA:56

5. Nedim Srnja
ZA:143

Konstatovano je da su novi članovi Nadzornog odbora AIS-a Muamer Dozo, Mugdim Avdić i Nedim Srnja.

3. Zaključak: Odluka o imenovanju članova Nadzornog odbora AIS-a.

1. Prisutni članovi Skupštine usvojili su Odluku o imenovanju člana Nadzornog odbora AIS-a.

AD 5:

Član radnog predsjedništva i novo izabrani predsjednik Skupštine Miroslav Janjanin otvorio je 5.tačku dnevnog reda koja glasi: Odluka o raspodjeli naknada za prava izvođača muzičkih djela za 2021. godinu, te otvorio diskusiju po 5.tački dnevnog reda.

Kako nije bilo prijavljenih za diskusiju, zamoljeni su članovi Skupštine da pristupe glasanju.

1. Zaključak: Odluka o raspodjeli naknada za prava izvođača muzičkih djela za 2021. godinu

Za: 237

Protiv:0

Suzdržanih:1

1. Prisutni članovi Skupštine usvojili su Odluku o raspodjeli naknada za prava izvođača muzičkih djela za 2021. godinu.

AD 6:

Član radnog predsjedništva i novo izabrani predsjednik Skupštine Miroslav Janjanin otvorio je 6.tačku dnevnog reda koja glasi: Razmatranje i usvajanje Godišnjeg plana raspodjele o ubranim naknadama za 2021. godinu.

Kako nije bilo prijavljenih za diskusiju, zamoljeni su članovi Skupštine da pristupe glasanju.

1. Zaključak: Godišnji plan raspodjele ubranih naknada za prava izvođača muzičkih djela za 2021. godinu

Za: 237

Protiv:0

Suzdržanih:1

1. Prisutni članovi Skupštine usvojili su Odluku o Godišnjem planu raspodjele ubranih naknada za prava izvođača muzičkih djela za 2021. godinu.

AD 7:

Član radnog predsjedništva i novo izabrani predsjednik Skupštine Miroslav Janjanin otvorio je 7. tačku dnevnog reda i zamolio članove Skupštine da delegiraju pitanja.

Za riječ se javio **član AIS-a Mejdij Sulejmani** koji je rekao da ga neki poznaju, a neki ne, ali da je njemu bitno koje su ostale kolege, da postoje ljudi koje ne poznaje ali glasaju, te je zamolio da iznesu svoja djela, ko su, gdje nastupaju i da se upozna s njihovim radom.

Član radnog predsjedništva i novo izabrani predsjednik Skupštine Miroslav Janjanin je rekao da također nikad nije čuo za Mejdija Sulejmanija, a misli da ni Mejdij Sulejmani nije čuo ni za njega.

Član AIS-a Mejdij Sulejmani je rekao da je ukucao ime Miroslava Janjanina i da je izašao tender od 100.000 KM od 20 minuta.

Član radnog predsjedništva i novo izabrani predsjednik Skupštine Miroslav Janjanin rekao je da se bavi producentkim radom, pop rock muzikom i žao mu je što ne poznaje veliki broj izvođača koji se bave narodnom muzikom. Kazao je da nije niko dužan da poznaje sve ljude. Članstvo u AIS-u se dokazuje djelima a ne ko koga poznaje. Kazao je da nije problem što ne može svako svakoga da zna, što je i nemoguće, uz dužno poštovanje.

Član AIS-a Azur Jahić se osvrnuo na glasanje 1 glas, 1 član. Ona grupacija koja će imati većinu u Skupštini ubuduće će uvijek imati sve članove UO i NO. Predložio je da se to apsolutno razmatra na svim narednim sjednicama i da u skupštini vrijedi 1 čovjek 1 glas i na taj način napraviti će se nehomogen odbor i bila bi demokratskija varijanta.

Član radnog predsjedništva i novo izabrani predsjednik Skupštine Miroslav Janjanin je rekao da to nije nikakav problem. Demokratski princip izmjene Statuta je sljedeći, a to je da se prijedlog izmjene da Skupštini. Dodao je da se 8 godina Skupština održavala i da tokom svih 8 godina niko nije dao niti jedan prijedlog, te da je pohvalno što sada predlažete. Pojasnio je da je potrebno u pismenoj formi, organima upravljanja dostaviti prijedlog, te da će se on razmatrati na Skupštini jer je Skupština jedina validna da vrši izmjene, odnosno da za to nisu nadležni ni Upravni ni Nadzorni odbor. Ponovio je da samo većina Skupštine ima pravo odlučivanja.

Za riječ se javio **član AIS-a Azur Jahić** koji se složio da je većina bila uspavana dugi niz godina, ali da mnoge stvari koje su usvojene u Statutu ne zna, jer vjerovatno nije bio na tim Skupštinama, tako da je ostao zatečen prilikom čitanja istog. Razlog je i AMUS, jer je bilo puno peripetija, pa se na neki način povukao, generalno i iz Skupštine AMUS-a. Kazao je da se svi trebaju probuditi, te da je potrebno izmijeniti Statut kako odgovara svim članovima, s čim se složio **član radnog predsjedništva i novo izabrani predsjednik Skupštine Miroslav Janjanin** koji je rekao da je samo potrebno u pismenoj formi dostaviti te zahtjeve.

Za riječ se javio **član AIS-a Davor Sučić** koji je iskoristio priliku da čestita novoj upravi. Rekao je da je tužno i simptomatično da su najveći izvođači BiH vani i da oni čija su djela najviše zastupljena nisu tu da odlučuju o

tome. Bez obzira da li je to ova uprava ili sljedeća, ali da smatra da je ključni problem u Institutu za intelektualno vlasništvo BiH. Kazao je da organizacija AIS, uz dužno poštovanje, samo zahvaljujući tome što Institut zažmiri na 4 oka, može da dozvoli sebi da nije 6-7 godina vršila isplate članovima van granice BiH, niti zaključila jedan bilateralni ugovor, niti ima licencirani softver odakle proizilaze svi probleme niti ima rezervisana sredstva. Kazao je da AIS ima masu propusta, te da AIS ima 3-4 uposlena čovjeka a da se to sve ne može uraditi bez 15-16 ljudi. Rekao je da AIS ne smije biti servis za sadaku, već da AIS ima puno veći potencijal. HDS ZAMP zarađuje 15 miliona eura. Ko god bio, rekao je da AIS mora uraditi neke stvari. Rekao je da se još dugo neće moći ovako, zbog institucija koje posmatraju AIS. Pojasnio je da su ljudi jako nezadovoljni i to ljudi koji su jako bitni. Ljudi poznaju problem i znaju kako to treba da funkcioniše. Licencirani softver mora postojati i to se mora organizovati. Kazao je da AIS mora doći do svih javnih emitera u državi, te da s ugovorima s emiterima AIS gubi najviše novca, jer AIS ukupno ima 80-ak emitera. Dodao je da je nemoguće da Dino Šukalo ne bude izabran, da Đani Pervan ne bude izabran i da u inženjeringu autora se ti ljudi izgube. Ponovio je da je ukazao na stepenice koje mogu biti kliske s Skupštine i kazao da mora postojati zajednički nastup AMUS, AIS i FONOGRAM.


Član radnog predsjedništva i novo izabrani predsjednik Skupštine Miroslav Janjanin zahvalio se na dobrim željama, članu AIS-a Davoru Sučiću, te pitao zašto se nije posavjetovao prije toga s direktoricom kako bi znao šta se do sada uradilo. Nije AMUS platio 5 godina ni Srbiji, ali to nije tema. AIS je potpisao sporazume i isplatio će se naknade, te je dodao da se ne mogu iznositi neprovjerene činjenice.

Za riječ se javila **direktorica Stručne službe Jasmina Misirlić** kazala je da po pitanju Stručne službe ima pravo da odgovori. Kazala je da AMUS zaradi 3.500.000 KM, a AIS 1.100.000 KM, te da AMUS ima tarifu koja je 5 puta veća od AIS-a. Dodala je da je u stalnoj komunikaciji s kolegama iz Srbije, Hrvatske i Slovenije i drugih europskih zemalja, te da je omjer između tarifa za izvođače i autore je uvijek 5 bio puta veći za autore.


Predsjedavajući Radnog predsjedništva Damir Bečić rekao je da pozdravlja svaki konstruktivni prijedlog, Azura Jahića, Davora Sučića. Posebno je naglasio da AIS pripada svim članovima. Dodao je da bi interesi svih trebali uvijek biti iznad ličnih interesa.

Član radnog predsjedništva i novo izabrani predsjednik Skupštine Miroslav Janjanin zahvalio se svim prisutnima na dolasku, te rekao da svi članovi AIS-a koji imaju bilo kakve prijedloge, iste mogu dostaviti na razmatranje Skupštini, te je zaključio rad sjednice i zatvorio 10. redovnu sjednicu izborne Skupštine AIS-a, koja je završena u 17:30 sati.

ZAPISNIČAR



Mersina Babić

ZAMJENIK PREDSEDNIKA SKUPŠTINE


Damir Bečić



OVJERIVAČ


Obrad Višnjic

OVJERIVAČ


Edita Fazlić